

ხელშეკრულება
მომსახურების გაწევის შესახებ No317

ქ. თბილისი

31 დეკემბერი 2013 წ

შ.პ.ს “პროსერვისი” მისი დირექტორის რევაზ ნატროშვილის სახით (შემდგომში “შემსრულებელი”), ერთის მხრივ და სსიპ 51 საჯარო სკოლა მისი დირექტორის მანანა თურქაძე სახით მეორეს მხრივ (შემდგომში “დამკვეთი”), ვდებთ ხელშეკრულებას და ვთანხმდებით ქვემოთგანსაზღვრულ ურთიერთსასარგებლო საქმიანობაზე:

1. ხელშეკრულების საგანი

1.1 წინამდებარე ხელშეკრულების ძალით მხარეები თანხმდებიან, რომ მისი მოქმედების პერიოდში “შემსრულებელი” “დამკვეთის” ნების საფუძველზე გაუწევს “დამკვეთს” 1.2 პუნქტით განსაზღვრულ მომსახურებას.

1.2 წინამდებარე ხელშეკრულების 1.1 პუნქტში განსაზღვრული მომსახურება გულისხმობს: “დამკვეთი” სათვის „დომენების“ dns ჩანაწერის შექმნას, 24 საათიან შენახვას - web/mail ჰოსტინგს ინტერნეტში, (72415000 - ვებსაიტის ჰოსტინგის და მომსახურების სერვისები) რისთვისაც “დამკვეთი” - სათვის “შემსრულებელი” მის კუთვნილ Unix სერვერზე გამოყოფს 10000 მბ დისკური სივრცეს დომენებისათვის **51school.ge** ამასთან გარანტირებული აფ-თაიმი შეადგენს 99,5%.

2. ხელშეკრულების შინაარსი

2.1 მხარეები თანხმდებიან ზუსტად და დროულად შეასრულონ ყოველ ცალკეულ შემთხვევაში ნაკისრი ვალდებულებები.

3. ანაზღაურების წესი

3.1 მხარეები თანხმდებიან, რომ “შეკვეთის” ფასი (ჰოსტინგის წლიური ღირებულება) განისაზღვრება 420 ლარით კანონმდებლობით გათვალისწინებული ყველა გადასახადის ჩათვლით.

3.2 “დამკვეთი” იღებს ვალდებულებას უზრუნველყოს 3.1 პუნქტით განსაზღვრული თანხის ანაზღაურება ხორციელდება მიღება ჩაბარების აქტზე ხელმოწერიდან 10 სამუშაო დღის განმავლობაში.

4. პასუხისმგებლობისაგან გათავისუფლება

4.1 მხარეები თავისუფლდებიან წინამდებარე ხელშეკრულებით ნაკისრი ყოველგვარი პასუხისმგებლობისაგან, თუ მათი ვალდებულებების ნაწილობრივი, ან სრული შეუსრულებლობა გამოწვეულია მათთვის დაუძლეველი ძალის (ფორს-მაჟორის) მოქმედების გამო. ასეთ გარემოებებზე მიიჩნევა: საბრძოლო მოქმედებები, სტიქიური უბედურებები, დივერსია, ხანძარი, ბლოკადა, ელექტროენერჯის კრიზისი, ცვლილებები კანონმდებლობაში და სხვა გარემოებები, რომლებიც შეუძლებელს ხდიან ვალდებულებების ჯეროვან შესრულებას.

4.2 ფორს-მაჟორული გარემოებების მოქმედების დამთავრებისთანავე მხარეებმა უნდა განახორციელონ ასეთი გარემოებების დადგომამდე ნაკისრი ყველა ვალდებულება.

5 მხარეთა პასუხისმგებლობა

- 5.1 "შემსრულებელი" ვალდებულია: განახორციელოს მისი კუთვნილი სერვერების მუდმივი მონიტორინგი და იზრუნოს მათ უსაფრთხოებაზე, მოახდინოს ვებ გვერდის(თუ ასეთი არსებობს) სარეზერვო კოპიის შენახვა ყოველ 3-10 დღეში და ვებ გვერდის არასანქცირებული დაზიანების შემთხვევაში მოახდინოს აღდგენა სარეზერვო კოპიოდან. მიუხედავად ამისა, რადგან არ არსებობს 100%-იანი გარანტია ფაილების არდაზიანების ან/და არწაშლის, აბონენტი ვალდებულია პერიოდულად მოახდინოს სერვერებზე ატვირთული ინფორმაციის სარეზერვო კოპირება მის პირად კომპიუტერში ან/და CD/DVD დისკებზე და არ დატოვოს ასლები მხოლოდ სერვერებზე. "პროსერვისი" არ იღებს პასუხისმგებლობას აბონენტის მხრიდან სერვერებზე განთავსებული ფაილების დაკარგვაზე. "პროსერვისი" უწევს რეკომენდაციას აბონენტებს, სარეზერვო ასლების შენახვის პერიოდულობა იყოს მინიმუმ კვირაში ერთხელ. ამასთან "შემსრულებელი" არ არის პასუხისმგებელი "დამკვეთის" მიერ მისთვის გამოყოფილ ვებ სირცეში გამოყენებული პროგრამული უზრუნველყოფის უსაფრთხოებაზე.
- 5.2 "დამკვეთი" ვალდებულია ხელშეკრულებაში მითითებულ ვადებში შეასრულოს 3.2. პუნქტით ნაკისრი ვალდებულებები;
- დამკვეთი იღებს ვალდებულებას არ ჩატვირთოს სერვერზე, არ გამოიყენოს გასაგზავნად ან არ განათავსოს კონტენტი რომელიც:
 - იმ კონტენტების ჩატვირთვა, გაგზავნა, გადაცემა ან სხვა სახით განთავსება, რომლებიც ეხება რაიმე პატენტს, სავაჭრო ნიშანს, კომერციულ საიდუმლოებას ან არღვევს მესამე მხარის საავტორო უფლებებს.
 - იმ კონტენტების ჩატვირთვა, გაგზავნა, გადაცემა ან სხვა სახით განთავსება, რომლებზეც შეიცავენ სპამს(მათ შორის საძიებო), უცხო ელექტრონულ მისამართებს;
 - იმ კონტენტების ჩატვირთვა, გაგზავნა, გადაცემა ან სხვა სახით განთავსება; რომლებიც შეიცავენ ვირუსებსა და სხვა კომპიუტერულ კოდებს, ფაილებს და პროგრამებს, რომლებიც განსაზღვრულნი არიან პროგრამების, კომპიუტერებისა და ტელესაკომუნიკაციო მოწყობილობათა ფუნქციონალური შეზღუდვის, დარღვევისა თუ განადგურებისათვის. ასევე კომერციული პროგრამული პროდუქტების სერიული ნომრების, კოდების, ლოგინების, პაროლების ან სხვა რაიმე ინფორმაციის გამოქვეყნება, რაც ხელს შეუწყობს ინტერნეტის ფასიან რესურსებში არასანქცირებულ ხელმისაწვდომობას, აგრეთვე ზემოთაღნიშნულ ინფორმაციაზე ლინკების განთავსება;
 - საქართველოს კანონმდებლობისა და საერთაშორისო ნორმების შეგნებული დარღვევა;
- 5.3. მომსახურების ღირებულების დროულად გადაუხდელობის შემთხვევაში „შემსრულებელი“ უფლებამოსილია შეუჩეროს მომსახურება „დამკვეთს“ გადახდის ვადის გასვლიდან 15 სამუშაო დღეში, რა პერიოდშიც ინახავს მის კუთვნილ სერვერზე არსებულ „დამკვეთის“ მონაცემებს (ელფოსტას, ვებ გვერდის ბაზას და ა.შ.), ხოლო წერილობითი გაფრთხილებიდან 15 სამუშაო დღის გასვლის შემდეგ წაშალოს სერვერიდან „დამკვეთის“ ყველა მონაცემი გაუფრთხილებლად.
- 5.3 მხარეთა მიერ ნაკისრი ვალდებულებების შეუსრულებლობის, ანდა არაჯეროვანი შესრულებისას, დაინტერესებული მხარე უფლებამოსილია ცალმხრივად შეწყვიტოს წინამდებარე ხელშეკრულების მოქმედება და მოიძიოს მოყენებული ზიანის ანაზღაურება საქართველოში მოქმედი კანონმდებლობის საფუძველსა და ფარგლებში.

6 კონფიდენციალურობა

- 6.1 შემსრულებელი იღებს ვალდებულებას – დაიცვას კონფიდენციალურობა დამკვეთის მიერ მოწოდებულ თუ სერვერზე განთავსებულ მასალებზე, არ შეინახოს და არ გაავრცელოს ისინი დამკვეთის ნებართვის გარეშე.

7 დავების გადაწყვეტის წესი

- 7.1 მხარეები იღებენ ყველა ზომას, რათა ამ ხელშეკრულებიდან წამოჭრილი ყველა დავა, ანდა წინააღმდეგობა გადაწყდეს მოლაპარაკების გზით.
- 7.2 სადაო საკითხების მოლაპარაკების გზით გადაწყვეტის შეუძლებლობის შემთხვევაში, მხარეებს გააჩნიათ უფლებამოსილება მიმართონ სასამართლოს და გადაჭრან სადაო საკითხები საქართველოს კანონმდებლობით დადგენილი წესის თანახმად.

8. დასკვნითი დებულებები

- 8.1 წინამდებარე ხელშეკრულება ძალაში შედის 2014 წლის 1 იანვარს და მოქმედებს 2014 წლის 31 დეკემბრის ჩათვით.
- 8.2 წინამდებარე ხელშეკრულებაში ცვლილებებისა და დამატებების შეტანა, მისი გაუქმება დასაშვებია მხოლოდ მხარეთა ურთიერთშეთანხმებით. ამასთან გაუქმება, ცვლილება, ან დამატება შეიძლება გაფორმდეს როგორც წერილობით წერილობით ასევე მხარეთა მიერ ზეპირი შეთანხმების საფუძველზე.
- 8.3 ხელშეკრულება შედგენილია ქართულ ენაზე, ორ, თანაბარი იურიდიული ძალის მქონე ეგზემპლარად.
- 8.4 წინამდებარე ხელშეკრულება რეგულირდება საქართველოს მოქმედი კანონმდებლობით.

“შემსრულებელი”
შ.პ.ს “პროსერვისი”
დირექტორი

[Handwritten signature]

რევაზ ნატროშვილი



“დამკვეთი”
სსიპ 51 საჯარო სკოლა
დირექტორი



დამატება ხელშეკრულებასთან 31.12.2013

მიღება-ჩაბარების აქტი

ქ.თბილისი


3.01.2014

შ.პ.ს “პროსერვისი” მისი დირექტორის რევაზ ნატროშვილის სახით (შემდგომში “შემსრულებელი”), ერთის მხრივ და სსიპ 51 საჯარო სკოლა მისი დირექტორის მანანა თურქაძე სახით მეორეს მხრივ (შემდგომში “დამკვეთი”), ვადგენთ მიღება ჩაბარების აქტს შემდეგზე:

31.12.2013 წლის ხელშეკრულების თანახმად, შემსრულებელმა გამოუყო დამკვეთს 10000 მბ დომენისათვის **51school.ge**

რაზედაც ხელს ვაწერთ

“შემსრულებელი”
შ.პ.ს “პროსერვისი”
დირექტორი



რევაზ ნატროშვილი



“დამკვეთი”
სსიპ 51 საჯარო სკოლა
დირექტორი



მანანა თურქაძე

შ.პ.ს. “პროსერვისი”-ს რეკვიზიტებია

მისამართი : ქ. თბილისი, ი. აბაშიძის 42, მე 3 სადარბაზო, ბინა 26
ს/კ 204929168 ს/ს „თი-ბი-სი“ ბანკი ბ/კ TBCBGE22 მ/ა № GE28TB0600000303467561
contact@proservice.ge ტელ: 233 005;

სსიპ 51 საჯარო სკოლა

მისამართი: ქ.თბილისი, მელიქიშვილის 2
ს/კ 203850699
Email: Tbilisi@51school.ge